

Officia Propria

DICÆCESIS AUGUSTANÆ

Tomus Prior

Die 15 decembris
S. ADELHEIDIS
Imperatricis, Viduæ
III classis

AD MATUTINUM
Bened. Ad societâtem.

Lectio III

Adelhéidis, Rudólfi secúndi Burgundiónum regis filia sanctóque Udalríco epíscopo consanguinitâte coniúcta, maríto Lothário, Langobárdiæ rege, præmatúre defúncto, graves perpéssa est insectatiónes. Ex Berengárii custódia restitúta libertáti, Ottóni imperatóri coniugáta, a suis æquálibus augustíssima ómnium augustárum mérito celebráta est, egregiæque féminæ prudentiam, nobilitâtem ánimi, modéstiam singulárem, consuléndi sollértiam morúmque probitâtem scriptóres illórum témporum láudibus prædicárunť. Illústre dedit magnanimitátis

exémplum, filias insectatóris Berengárii suam in aulam suscipiéndo. Mónachos observántiæ Cluniacénsis in impérium traducéndos ipsa curávit et, imperatóre defúncto, filio iúveni ádfuit pacificándo semper et consuléndo. Ipsa vel ornáménta sua ecclésiis, monastériis pauperibúsque distríbuit. Augustánam quoque ecclésiám Cathedrâlem erigéndam ópibus constat eam largíter sublevásse. Annos nata duodeseptuagínta, anno ante milésimum vita decéssit.

Te Deum laudámus.

AD LAUDES

¶ Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. ant. Date ei * de fructu mánuum suárum, et laudent eam in portis ópera eius.

DIE 15 MARTII S. CLEMENTIS MARÆ HOFBAUER CONF.

Oratio

Exáudi nos, Deus, salutáris nos-
ter: ut, sicut de beátæ Adel-
héidis festivitáte gaudémus; ita
piæ devotiónis erudiámur af-
fèctu. Per Dóminum.

Et fit commemoratio feriæ.

Maríam miro fidei róbre et
invíctæ constántiæ virtúte de-
corásti: eius méritis et exémplis
fac nos, quæsumus, ita fortes
in fide et caritáte fervéntes;
ut præmia consequámur ætér-
na. Per Dóminum nostrum.

Lectio III

**in II Nocturno pro ecclesiis,
quarum Titularis est**

Die 15 martii
S. CLEMENTIS
MARÆ HOFBAUER
Confessoris
III classis

**Tempore quadragesimali fit
commemoratio in Laudibus
tantum.**

AD LAUDES

Ant. Euge, serve bone * et
fidélis, quia in pauca fuísti
fidélis, supra multa te constí-
tuam, intra in gáudium Dómi-
ni tui.

℣. Iustum dedúxit Dóminus
per vias rectas. **℞.** Et osténdit
illi regnum Dei.

Oratio

Deus, qui beátum Cleméntem

Clemens María Hófbauer,
Tassovítii in Marávia natus,
adoléscens pistóriam artem
dídicit, sed inter laboriósæ
artis exercítium ad stúdi-
um litterárum cœpit incúmbere.
Romæ in sancti Alfónsi
Famíliam singulári Dei provi-
déntia cooptátus est, quam
ipsíus ópera in díssitas re-
giónes propagátum iri sanctus
idem Parens palam prænun-
tiávit. Présbyter factus, Var-
sáviæ in Polónia primum suæ
Congregatiónis eréxit domicí-
lium, ibíque fidéles ad bonos
mores revocávit, hæreticós-
que ad veram fidem addúxit
et órphanis hospítium extrú-
xit. Plures institúti sui domos

DIE 5 APRILIS B. CRESCENTIÆ HœSS VIRG.

váriis in regiõnibus érigens, in diocési quoque Augustána pópulum verbo et exémplo mire erudívit. E Polónia cum suis expúlsus, Vindobónæ duódecim postrémis vitæ annis ad Dei glóriam strénue operátus est. Vir apostólicus, Vindobonénsis cleri decus, Ecclesiæque cólumen, prope sepua-genárius Idibus mártii, anno millésimo octingentésimo vigésimo, obdormívit in Dómino.

Die 5 aprilis
S. CRESCENTIÆ
HœSS
Virginis
III classis

AD MATUTINUM
Bened. Ad societátem.

Lectio III

María Crescéntia Hœss piis orta paréntibus, tetrínæ labóribus vitam ducéntibus, Kaufbúráe in Suévia inter lutheránæ perícula innocénter adulescéntiam transégit, Déiparáe præsidio, cui

virginitátis florem devóvit. Ob inópiam plúries repulsa, tandem in Kaufburénse monastérium Tértii Ordinis sancti Francísci recépta est, ætátis suæ anno primo et vicésimo. Invidiam áliquot moniálium diu invícto ánimo tolerávit, donec innocéntia eius cógnita, singuláris eius sanctitátis præcónes ipsæ, quæ infénsæ fúerant, præ céteris evasérunt. Inferióribus officiis egrégie perfúncta, unánimi suffrágio totius ascetérii præses renuntiáta est. Fama sanctitátis eius totam Germániam, Baváriam, Hungáriam pervadénte, eam tamquam oráculum insígenes viri, civitátum optimátes, ipsíque reges consúltum adíbant. Leo décimus tértius miráculis claráram iubilári anno millésimo nongentésimo beatárum Vírginum fastis adscrípsit.

Te Deum.

AD LAUDES

∩ Diffúsa est grátia in lábiis tuis (T. p. Allelúia.) ∞ Prop-térea benedíxit te Deus in

DIE 5 APRILIS B. CRESCENTIÆ HÆSS VIRG.

ætérnum. (T. p. Allelúia.)

Ad Bened. ant. Símile est regnum cælórum * hómīni negotiátōri quærēnti bonas margarítas: invēnta una pretiōsa, dedit ómnia sua, et comparávit eam. (T. p. Allelúia.)

Oratio

Deus, qui beáta Crescéntia, Vírgine tua, cristiánæ perfectiōnis exémpulum misericórditer tribuísti: præsta, quæsumus; ut, eius imitatiōni iúgiter inhærētes, glóriam consequámur ætérrnam. Per Dóminum.

Et fit com S. Vincentii Fererii Conf.:

Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

¶ Iustum dedúxit Dóminus per vias rectas. (T. p. Allelúia.) ¶ Et osténdit illi regnum Dei. (T. p. Allelúia.)

Oratio

Deus, qui Ecclésiā tuā beátī Vincéntii Confessóris tui méritis et prædicatiōne illustráre dignátus es: concéde nobis fámulis tuis; ut et ipsíus instruámur exémpilis, et ab ómnibus, eius patrocínio, liberémur advérsis. Per Dóminum.

AD VESPERAS

¶ Diffúsa est grátia in lábiis tuis, allelúia. ¶ Proptérea benedíxit te Deus in ætérrnum, allelúia.

Ad Magnif. ant. Veni, Sponsa Christi, * áccipe corónam, quam tibi Dóminus præparávit in ætérrnum, (T.p. allelúia.)

DIE 7 APRILIS S. HERMANNI IOSEPHI CONF.

Die 7 aprilis
S. HERMANNI IOSEPHI
Confessoris
III classis

AD MATUTINUM
Bened. Ad societátem.

Lectio III

Hermánnus Colóniæ Agrippínæ secúndo exeúnte natus, a prima infántia tenérrima erga Deíparam Vírginem amóre refúlsit, quare inter álios innúmeros favóres beatíssima Virgo eum Ioseph vocári vóluit. Puérulus Deíparæ ecclésiám frequentáre et imáginem, oblátis quoque puerílibus múnusculis, honoráre consuévit. Cum duódecim esset annórum, iam in ecclésiá Steinfeldénsi amíctu níveo Ordinis Præmonstraténsis indútus est. Sacerdótio auctus, castitáte humilitatéque præprímis excélluit, pluráque pia cármina compósuit. In monastério Cisterciénsium Hoviénsi, sénio conféctus virtutibúsque clarus, médio sæculo décimo tértio

suprémum diem óbiit, quem prophético spírítu prædíxerat. Eius sanctitátis et miraculórum fama inde mirífice crevit, sepulcrúmque eius in monastério Steinfeldénsi factum est gloriósum. Pius autem duodécimus, Póntifex Máximus, sacrae Rítuum Congregatiónis votis obsecúndans, cultum Beáto Hermáno Iosépho, Sancto nuncupáto, ab immemorábili témpore præstitum, confirmáre dignátus est. Te Deum laudámus.

✠ Iustum dedúxit Dóminus per vias rectas. (T. p. Allelúia.) ✠ Et osténdit illi regnum Dei. (T. p. Allelúia.)

Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui. (T. p. Allelúia.)

Oratio

Deus, qui beátum Hermánum Ioséphum Confessórem tuum in benedictiónibus dulcédinis a puerítia prævenísti:

DIE 20 APRILIS S. CONRADI A PARZHAM CONF.

præsta, quæsumus; ut innocentis et sanctæ vitæ eius vestigiis insistentes, ad cælestem patriam, in qua gloriosus exsultat, securi perveniamus. Per Dóminum nostrum.

AD VESPERAS

¶ Iustum deduxit Dóminus per vias rectas, allelúia. R. Et ostendit illi regnum Dei, allelúia.

Ad Magnif. ant. Hic vir despiciens mundum * et terræna, triumphans, divitias cælo condidit ore, manu, allelúia.

Die 20 aprilis
S. CONRADI
A PARZHAM
Confessoris
III classis

AD MATUTINUM

Bened. Ad societatem.

Lectio III

Conradus in vículo Parzham diocesis Passaviensis piis ho-

nestisque paréntibus natus, inde a púero modéstia et solitúdinis amóre, quanta futúrus esset sanctitate, præmonstrávit. Integra iuventúte, in agrórum cultúra transácta, ut Deo libérius famularétur, mundo valédicere státuit; quaprópter, perámplo património abdicáto, inter fratres láicos Ordinis Minórum Cappucinórum adnumerári obtínuit. Statim ab emíssa professione, ad sanctæ Annæ convéntum civitátis Vetttingæ missus est, ibíque ianitoris officio addíctus; quod ad óbitum usque máximo proximórum emoluménto in ómnibus tum animæ tum corpóris necessitatibus exércuit. Erga Eucharístiam assíduo flagrávit devotiónis afféctu, et Deíparam Vírginem tamquam matrem cotidiánis obséquii coluit. Migrávit ad Dóminum anno millésimo octingentésimo nonagésimo quarto, ætátis suæ septuagésimo quinto compléto.

Te Deum laudamus.

DIE 27 APRILIS S. PETRI CANISII CONF. ET ECCL. DOCT.

AD LAUDES

℣. Iustum dedúxit Dóminus per vias rectas, allelúia. ℞. Et osténdit illi regnum Dei, allelúia.

Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui, allelúia.

Oratio

Deus, qui misericórdiæ tuæ iánuam fidélibus patére volúisti: te súpplīces exorámus; ut, intercedénte beáto Conrado Confessóre tuo, temporália subsidia nobis tríbuas et ætérna. Per Dóminum nostrum.

AD VESPERAS

℣. Iustum dedúxit Dóminus per vias rectas, allelúia. ℞. Et osténdit illi regnum Dei, allelúia.

Ad Magnif. ant. Hic vir despíciens mundum * et terréna, triúmphans, divítias cælo cón-

didit ore, manu, allelúia.

Die 27 aprilis
S. PETRI CANISII
Confessoris et
Ecclesiæ Doctoris
II classis

Omnia de Communi Confessoris non Pontificis præter ea, quæ hic habentur propria.

In I Nocturno

Abol. Exáudi.
Bened. Benedictiōne.

DE LIBRO ECCLESIASTICI

Lectio i 39,1-5
Sapiéntiam ómnium antiquórum exquíret sapiens, et in prophétis vacábit. Narratióne virórum nominatórum conservábit, et in versútias parabolárum simul introíbit. Occúlta proverbiorum exquíret, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum gènti-

um pertránsiet; bona enim et mala in homínibus tentábit.

℞. Euge, serve bone et fidélis, quia in pauca fuísti fidélis, supra multa te constítuam: * Intra in gáudium Dómini tui, allelúia. ✠ Dómine, quinque talénta tradidísti mihi, ecce ália quinque superlucrátus sum. Intra.

Bened. Unigénitus.

Lectio ii 39,6-10

Cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intellegéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium eius, et disciplínam, et in absconditis suis consiliábitur.

℞. Iustus germinábit sicut lí-

lium: * Et florébit in ætérnum ante Dóminum, allelúia.

✠ Plantátus in domo Dómini, in átriis domus Dei nostri. Et.

Bened. Spírítus Sancti.

Lectio iii 39,11-14

Ipse palam fáciét disciplínam doctrínæ suæ, et in lege testaménti Dómini gloriábitur. Collaudábunt multi sapiéntiam eius, et usque in sæculum non delébitur. Non recédet memória eius, et nomen eius requirétur a generatióne in generatiónem. Sapiéntiam eius enarrábunt gentes, et laudem eius enuntiábit Ecclésia.

℞. Iste cognóvit iustítiam, et vidit mirabília magna, et exorávit Altíssimum: * Et invéntus est in número Sanctórum, allelúia. ✠ Iste est, qui contémpsit vitam mundi, et pervénit ad cæléstia regna. Et.

In II Nocturno

Abol. Ipsíus píetas.

Bened. Deus Pater.

Lectio iv

Petrus Canísius, Noviómagi in Gélria eo ipso anno natus est, quo Luthérus in Germánia apérta rebellíone ab Ecclésia descívit, et Ignátius de Loyóla, in Hispánia, terréstri milítia abdicáta, ad prœlia Dómini se convértit, Deo nimírum portendénte, quos ille post hac adversários, quem sacræ milítiae ducem esset habitúrus. Colóniæ Agrippínæ, quo studiórum causa concésserat, perpétuo castitátis voto se Deo obstrínxit, et paulo post Societáti Iesu nomen dedit. Sacerdótio auctus, cathólicam fidem contra novatórum insídias legatióibus, sermónibus, scriptis libris statim defendéndam suscepit. Ob præcláram sapiéntiam et explorátum rerum usum a Cardináli Augustáno et a pontificiis Legátis magnópere expetítus, semel atque íterum Concílio Tridentíno intérfuit; cuius étiam decreta ex auctoritáte Pii quarti Pontíficis Máximi rite per

Germániam promulgánda et in morem inducéndá curávit. A Paulo quarto ad convéntum Petricoviénsensem ire iussus, aliisque a Gregório décimo tértio legatióibus obeúndis adhíbitus, álacri semper et numquam fracto difficultátibus ánimo, gravíssima religiónis negótia tractávit, ac vel inter præsentia vitæ discrimina ad felicem éxitum perduxit.

✠ Honéstum fecit illum Dóminus, et custodívit eum ab inimícis, et a seductóribus tu-távit illum: * Et dedit illi claritátem ætérnam, allelúia. ✠ Iustum dedúxit Dóminus per vias rectas, et osténdit illi regnum Dei. Et.

Bened. Christus perpétuæ.

Lectio v

Supérno caritátis igne, quem in Basílica Vaticána e penetrálibus Cordis Iesu olim copióse háuserat, inflammátus et divínæ glóriæ amplificándæ

únice inténtus, dici vix potest, quot, per annos ámplius quadragínta, labóres suscéperit, ærumnásque pertúlerit, ut complúres Germániæ civitates ac províncias vel ab hæreseos contáagine defénderet, vel, hæresi inféctas, cathólicæ fidei restitúeret. In Ratisbonénsi et Augustáno convéntu impérii próceres ad iura Ecclésiæ tuénda et mores populórum emendándos excitávit; in Wormatiénsi insolescéntes impietátis magistros ad siléntium adégit. Per septem fere annos Augustæ Vindélicum in ecclésia Cathedráli concionatóris múnere functus est. A sancto Ignátio Germániæ Superióriis provínciæ præféctus, domos et collégia multis locis cóndidit. Plúries in civitáte Dilingána versátus, de academiá cardináli Ottóne fundáta eiúsque collégio óptime méritus est. Collégium Germánicum, Romæ constitútum, omni ope provéhere atque amplificáre stúduit; in academiis sacrárum humanarúmque discipli-

nárum stúdia, miserándum in modum collápsa, instaurávit; contra Centuriatóres Magdeburgénses duo volúmina egrégie concrípsit: et summam doctrínæ christiánæ, theologórum iudício et público trium sæculórum usu ubíque probatíssimam, aliáque complúra ad populórum institutióem valde accomodáta in vulgus édedit. Quámobrem, hæreticórum málleus et alter Germániæ apóstolus appellátus, plane dignus hábitus est, qui ad tuándam in Germánia religióem divínitus electus putarétur.

℞. Amávit eum Dóminus, et ornávit eum; stolam glóriæ induit eum, * Et ad portas paradísi coronávit eum, allelúia. ℣. Induit eum Dóminus lorícam fidei, et ornávit eum. Et.

Bened. Ignem sui amóris.

Lectio vi

Inter hæc, precatióne crebra et assídua rerum supernárum commentatióne, lácrimis sæpe

DIE 27 APRILIS S. PETRI CANISII CONF. ET ECCL. DOCT.

perfusus et ánimo intérdum a sénsibus abdúcto, Deo se coniúgere sólitus erat. A viris princípibus vel sanctitate clarísimis et a quátuor Summis Pontificibus magno in honóre hábitus, ádeo de se demísse sentiébat, ut se ómnium mínimum et díceret et habéret. Vindobonénssem episcopátum semel, íterum ac tértio recusávit. Moderatóribus suis obsequentíssimus, parátus erat ad ipsórum nutum ómnia relínquere aut ággredi, étiam cum valetúdinis et vitæ perículo. Voluntária sui ipsíus coercitióne castitatem perpétuo sepsit. Demum Fribúrgi Helvetiórú, ubi plúrimum pro Dei glória et salute animárum últimis vitæ suæ annis desudáverat, migrávit ad Deum die vicésima prima decémbris anno millésimo quingentésimo nonagésimo séptimo, ætátis suæ séptimo supra septuagésimum. Hunc vero strénum cathólicæ veritátis propugnatórem Pius Papa nonus cælitum beatórum honó-

ribus adáuxit; novis autem fulgéntem signis Pius undécimus, Póntifex Máximus, anno iubilæi, sanctórum número accénsuit, simúlque Doctórem universális Ecclésiæ declarávit.

℞ Iste homo perfécit ómnia quæ locútus est ei Deus, et dixit ad eum: Ingrédere in réquiem meam: * Quia te vidi iustum coram me ex ómnibus géntibus, allelúia. √ Iste est qui contémpsit vitam mundi, et pervénit ad cælestia regna. Quia. Glória Patri. Quia.

In III Nocturno

Absol. A vínculis.

Bened. Evangélica léctio.

Lectio iv

LÉCTIO SANCTI EVANGÉLII
SECÚNDUM MATTÆUM

Lectio vii Cap. 5,23-19

In illo témpore: Dixit Iesus discípulis suis: Vos estis sal terræ. Quod si sal evanúerit, in quo saliétur? Et réliqua.

HOMILÍA
SANCTI PETRI CANISII
PRESBÝTERI

Notæ in Evangelia, in festo
S. Martini Ep., post initium.

Amábo et colam missos a Christo Apóstolos horúmque successóres in Evangélii sémine spargéndo sédulos et indeféssos propagánde verbi cooperatóres, qui iure testári possunt: Sic nos exístimet homo ut minístros Christi et dispensatóres mysteriórum Dei. Vóluit enim Christus ut vigilantíssimus ac fidelíssimus paterfamílias per tales minístros ac legátos lucérnam evangélicam igne cælitos demísso accénde et accénsam non módio suppóni, sed super candelábrum constitui, quæ suum splendórem longe latæque diffúnderet omnésque tum Iudæórum tum géntium vigéntes ténebras et erróres profligáret.

℞. Iste est, qui ante Deum magnas virtútes operátus est,

et de omni corde suo laudávit Dóminum: * Ipse intercédát pro peccátis ómnium populórum, alleluía. ✠ Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Bened. Cuius festum.

Lectio viii

Etenim evangélico Doctóri sat non est, verbo lucére pópulo, et vocem in desérto clamántem præstáre multísque in pietáte iuvándis lingua óperam dare, ne alióquin, si verbi ministérium prætermittat, canis mutus non valens latráre a prophéta dicátur. Sed et ardére illum opórtet, ut ópere atque caritáte instrúctus, munus suum ornet evangelicum. Paulúmque ducem sequátur. Is quippe non conténtus Ephesiórum epíscono demandáre: Præcipe hoc et doce: labóra sicut bonus miles Christi Jesu: constánter etiam apud amícos et inimícos evange-

lizávit, ac epíscopis apud Ephesum colléctis bona dixit consciéntia: Vos scitis, quómo-
nihil subtráxerim útilium, quó-
minus anuntiárem vobis, et
docérem vos públice et per
domos, testíficans Judæis at-
que Gentílibus in Deum pæ-
nitentiam et fidem in Dómi-
num nostrum Jesum Chris-
tum.

R. In médio Ecclésiæ apéruit
os eius, * Et implévit eum
Dóminus spírítu sapiéntiæ et
intelléctus, allelúia. **V.** Iu-
cunditátem et exsultatióem
thesaurizávit super eum **Et.**
Glória Patri. Et.

Bened. Ad societátem.

Lectio ix

Talem enim pastórem decet
esse in Ecclésia, qui more
Pauli, ómnibus ómnium fiat,
ut in illo repériat æger curati-
ónem, mæstus lætítiam, de-
spérans fidúciám, imperítus
doctrínam, dúbius consílium,
poenitens véniam atque solá-

tium, et quidquid tandem at
salútem est cuíque necessari-
um. Quocírca pulchre Chris-
tus, cum primários mundi
Ecclésiæque, doctóres consti-
túere vellet, non sat hábuit
discipulis dícere: Vos estis lux
mundi: sed etiam illud subjé-
cit: Non potest cívitas ab-
scóndi supra montem pósita,
neque accédunt lucérnam et
ponunt eam sub módio, sed
super candelábrum, ut lúceat
ómnibus qui in domo sunt.
Errant enim opinántes eccle-
siástæ, quod múneri suo doc-
trínæ splendóre magis quam
vitæ integritáte et caritátis ar-
dóre possint satisfácere.

Te Deum.

AD LAUDES

V. Iustum dedúxit Dóminus
per vias rectas, allelúia. **R.** Et
osténdit illi regnum Dei, al-
lelúia.

Ant. Euge, serve bone * et
fidélis, quia in pauca fuísti
fidélis, supra multa te constí-

B. MARIÆ VIRG. PATRONÆ BAVARIÆ

tuam, intra in gáudium Dómini tui, allelúia.

Oratio

Deus, qui ad tuéndam cathólicam fidem beátum Petrum, Confessórem tuum, virtúte et doctrína roborásti: concéde propítius; ut eius exémplicis et mónitis errántes ad salútem resipíscant, et fidéles in veritátis confessióne persevérent. Per Dóminum nostrum.

AD VESPERAS

V. Iustum dedúxit Dóminus per vias rectas, allelúia. **R̄.** Et osténdit illi regnum Dei, allelúia.

Ad Magnif. ant. O Doctor óptime, * Ecclésiæ sanctæ lumen, beáte Petre, divínæ legis amátor, deprecáre pro nobis Fílium Dei. allelúia.

Sabbato I maii

IN SOLLEMNITATE B. MARIÆ VIRGINIS PATRONÆ BAVARIÆ

I classis

Omnia de Communi festorum B. Mariæ Virginis, præter ea, quæ hic habentur propria.

AD I VESPERAS

Ant. 1. Domináre, * Virgo potens, in médio pópuli patocínio tuo confidéntis, allelúia.

Ant. 2. Habitáre fecit * omnipotens Deus Vírginem Patrónam in terra nostra, Matrem filiórum lætántem, allelúia.

Ant. 3. Fiat pax * Dómina nostra, in virtúte tua et abundantia in túrribus tuis, allelúia.

Ant. 4. Ecce * Virgo María, heréditas tua: filii iucúndo corde tibi devóti, allelúia.

Ant. 5. Confortávit * Dómi-

B. MARIE VIRG. PATRONÆ BAVARIÆ

nus seras portárum tuárum et benedíxit filiis tuis in te, allelúia.

Capit. **Eccli. 24,14**

Ab inítio et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Prima stropha sequentis Hymni dicitur flexis genibus.

Hymnus

Ave, maris stella,
Dei mater alma
atque semper virgo,
felix cæli porta.
Sumens illud 'Ave'
Gabriélis ore,
funda nos in pace,
mutans Hevæ nomen.

Solve vincla reis,
profer lumen cæcis,
mala nostra pelle,
bona cuncta posce.

Monstra te esse matrem,
sumat per te preces,
qui pro nobis natus,
tulit esse tuus.

Virgo singuláris,
inter omnes mitis,

nos culpis solútos
mites fac et castos.

Vitam præsta puram,
iter para tutum,
ut vidéntes Jesum
semper collætémur.

Sit laus Deo Patri,
summo Christo decus,
Spirítui Sancto
tribus honor unus.
Amen.

¶ Ora pro nobis, sancta Patróna Baváriæ, allelúia.

℞. Ut digni efficiámur promissionibus Christi, allelúia.

Ad Magnif. ant. Ecce, María * erat spes nostra, ad quam confúgimus in auxiliúm, ut liberáret nos, et venit in adiutórium nobis, allelúia.

AD II VESPERAS

Ad Magnif. ant. Benedícant te, * Patróna clementíssima, omnes generatiónes: quia fecit tibi Dóminus magna, qui potens est, allelúia.

B. MARIÆ VIRG. PATRONÆ BAVARIÆ

Oratio

Deus, qui dilécti Fílii tui Genetrícem nobis Matrem ac Patrónam dare dignátus es: concéde propítius; ut sub huius Matris tutéla ab omni hóstium defendámur incúrsu, et sine timóre in sanctitáte et iustítia tibi serviámus. Per eúndem Dóminum.

AD MATUTINUM

Invitat. Christum Regem adorémus * Et Mariám collaudémus, piam nostram Dóminam, allelúia.

Ps. 94 Veníte, exsultémus.

Hymnus

Supérni Sponsa Fláminis,
propitiátrix hóminis,
María, Virgo régia,
plena laudáris grátia.

Compésce carnis fómitem
hostísque sævi rábiem;
terréna da despícere,
supérna concupíscere.

Baváriæ præsidium;
da robur, fer auxílium;
de cælis rora grátiam

in tuam hanc famíliam.

Constrínge nos suávibus
tuis, Mater, ampléxibus;
nos redde gratos Fílio
sanctóque reple gáudio.

Iesu, tibi sit glória
qui natus es de Vírgine,
cum Patre, et almo Spíritu,
in sempitérna sæcula.
Amen.

In I Nocturno

Ant. Tu refúgium nostrum, *
tu auxiliátrix nostra, Virgo
María: ora pro nobis Dóminum,
allelúia.

Sub qua sola antiphona dicuntur tempore paschali tres psalmi huius Nocturni.

Psalmi trium Nocturnorum de Communi festorum B. Mariæ Virginis.

∩ Spécie tua et pulchritúdine tua, allelúia.

⌘ Inténde, prospere procéde, et regna, allelúia.

Absol. Exáudi.

Bened. Benedictióne.

B. MARIE VIRG. PATRONÆ BAVARIÆ

DE PARÁBOLIS SALOMÓNIS

Lectio i Prov. 2,10-15

Si intráverit sapiéntia cor tuum, et sciéntia ánimæ tuæ placúerit: consílium custódiat te, et prudéntia servábit te, ut eruáris a via mala, et ab hómine, qui perversa lóquitur, qui relínquunt iter rectum, et ámbulant per vias tenebrósas: qui lætántur cum malefécerint, et exsúltant in rebus pés-simis: quorum viæ perversæ sunt, et infámes gressus eórum.

℞. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris, allelúia.

℣. Et sicut cinnamómum et bálsamum aromatízans. Dedi.

Bened. Unigénitus.

Lectio ii Prov. 3,21-26

Fili mi, ne éffluent hæc ab óculis tuis. Custódi legem atque consílium: et erit vita ánimæ tuæ, et grátia fáucibus

tuis. Tunc ambulábis fiduciá-liter in via tua, et pes tuus non impínget: si dormieris, non timébis; quiesces et suávis erit somnus tuus. Ne páveas repentinó terróre, et irruéntes tibi poténtias impiórum. Dóminus enim erit in látere tuo, et custódiat pedem tuum, ne capiáris.

℞. Quæ est ista, quæ procéssit sicut sol, et formósa tamquam Ierúsalem? * Vidérunt eam filia Sion, et beátam dixerunt, et regínæ laudavérunt eam, allelúia.

℣. Et sicut dies verni circúmdabant eam flores rosárum et lília convállium. Vidérunt.

Bened. Spíritus Sancti.

Lectio iii Prov. 8,12-17

Ego sapiéntia hábito in consílio, et eruditis intérsu cogitátionibus. Timor Dómini odit malum: arrogántiam, et supérbiam et viam pravam, et os bilíngue detéstor. Meum est consílium et æquitas, mea

B. MARIE VIRG. PATRONÆ BAVARIÆ

est prudéntia, mea est fortitúdo. Per me reges regnant, et legum conditóres iusta decérnunt. Per me príncipes ímperant et poténtes decérnunt iustítiam. Ego diligéntes me díligo: et qui mane vígilant ad me, invénient me.

℞. Ornátam monílibus filiam Ierúsalem Dóminus concupívit: * Et vidéntes eam filiae Sion, beatíssimam prædicavérunt, dicéntes: * Unguéntum effúsum nomen tuum, allelúia.

℣. Astitit regína a dextris tuis in vestítu deauráto, circúmdata varietáte. Et. Glória Patri. Unguéntum.

In II Nocturno

Ant. Ad te, sancta Dei Génetrix * clamávimus, et per te venit Dómini auxiliúm nobis, allelúia.

Sub qua sola antiphona dicuntur tempore paschali tres psalmi huius Nocturni.

℣. Adiuvábit eam Deus vultu suo, allelúia. ℞. Deus in médio eius, non commovébitur, allelúia.

Absol. Ipsíus píetas.
Bened. Deus Pater.

Lectio iv

Baváriæ regiónes, quarum, teste ipso Summo Pontífice Pio séptimo, nullæ florentiiores ob cathólicæ religiónis stúdi-um in orbe terrárum fuérunt, iam antíquitus singulári quadam erga beatíssimam Vírginem Mariám devotióne excélebant. Cuius rei documénta sunt perantíqua ecclésia Augustána, ecclésia metropolitána Monacénsis, ecclésia cathedrális Spirénsis permultaque ália et in antíquis et in recéntibus Baváriæ pártibus templa et sanctuária Mariána, sive venerábili antiquitáte conspicua, sive contínua peregrinántium frequentatióne celebérrima. Idem testántur sodalitates vel congregatiónes sub eiúsdem gloriósæ Vírgi-

B. MARIE VIRG. PATRONÆ BAVARIÆ

nis præsidio instituta ac statuarum et imagines Marianæ ubilibet piæ fidelium venerationi propõsitæ in frontibus domorum, in plateis et campis, iuxta agros et campos, inter obscura silvarum et super cacumina montium.

R. Sub tuum præsidium confugimus, sancta Dei Genetrix; nostras deprecationes ne despicias in necessitatibus: * Sed a periculis cunctis libera nos semper, Virgo gloriosa et benedicta, alleluia. **V.** Regina mundi et patriæ Patrona dignissima, intercede pro nostra pace et salute. **Sed.**

Bened. Christus perpetuæ.

Lectio v

Cultus istius Mariani fautores exstiterunt præcipui Baviaræ duces ac principes. Alii iam inde ab ævo medio monasteria quædam celeberrima sub invocatione et nomine beate Mariæ Virginis dedicaverunt et munificentia vere regina locu-

pletaverunt, alii Matrem perdolentem sive Virginem sine macula conceptam pie venerando subditis suis præclara exempla dederunt. Capellam præsertim regiam Oettinganam, in qua ab antiquissimis iam temporibus statua thaurmaturga Deiparæ Virginis impense colitur, piis et pretiosis muneribus cumulare ibique preces ex animo fundere solebant. Quin etiam post mortem, maximi amoris vinculis cum Patrona augustissima coniunctos se esse pie profitebantur cordibus suis urnis argenteis inclusis et in ipso sanctuario illo Mariano reconditis.

R. Beata es, Maria, Mater Christi, quia ex te mundi salus advenit, et gloriosa fulges ante Dominum. * Quapropter ora pro tuis famulis ad Salvatorem nostrum ac Filium tuum, alleluia. **V.** Sancta Maria Virgo, intercede pro his, qui nostræ patriæ regimini præsent, quæ genuisti Regem orbis. **Quapropter.**

B. MARIE VIRG. PATRONÆ BAVARIÆ

Bened. Ignem sui amoris.

Lectio vi

Quibus aliisque documentis luculenter apparet, regiones Baváricas titulum insignem regni Mariáni iure promereri. Quod aperte significavit Maximiliánus elector primus, qui in fronte palatii sui novi statuum Mariánam titulo 'Patróna Boiáriæ' insignitam dedicavit ac postea, cum eiusdem cælestis Patrónæ intercessióne præclaram victóriam reportasset, grata memoria alteram statuum in foro público erigendam curavit in honorem beátæ Mariæ Virginis, quam verbis et scriptis Bóicam Dóminam salutavit. Ex ea ætate titulus beátæ Mariæ Virginis Patrónæ Bavariæ tantam auctoritatem obtinuit, ut nummis et monumentis publicis frequenter imponi inciperet. Ludovici demum tertii, Regis, qui iam, priusquam regno potiretur, Oettingæ sollemnem catholicæ fidei et pietatis erga beatissimam Virginem professionem palam

édere non dubitaverat, precibus peramánter ánuens, Benedictus Papa decimus quintus immáni bello per Europam grassante, eandem Virginem Mariám totius Bavariæ principalem apud Deum Patrónam supræma sua auctoritate constituit eiusque sub eodem titulo sollemnitatem in cunctis Bavariæ diocésibus cum Officio et Missa propriis sub ritu dúplici primæ classis celebrandam concessit.

✠ Quasi arcus refúlgens inter nébulas et quasi flos rosárum in diébus vernis et quasi lília in tránsitu aquæ: * Sic fulget Virgo immaculáta, allelúia. ✠ Arcum meum ponam in núbibus et erit signum fœderis mei vobíscum. Sic. Glória Patri. Sic.

In III Nocturno

Ant. Non recédant * laus tua, Virgo María, de ore hóminum, qui mémoires fúerint virtutis Dómini in ætérnum, pro

B. MARIE VIRG. PATRONÆ BAVARIÆ

quibus non pepercisti animæ tuæ, allelúia.

Sub qua sola antiphona dicuntur tempore paschali tres psalmi huius Nocturni.

℣. Elégit eam Deus, et præelégit eam, allelúia. ℞. In tabernáculo suo habitare facit eam allelúia.

Absol. A vínculis.

Bened. Evangélica léctio.

Lectio vii

LÉCTIO SANCTI EVANGÉLII
SECÚNDUM JOÁNNEM

Lectio vii Cap. 2,1-11

In illo témpore: Núptiæ factæ sunt in Cana Galiaæ, et erat Mater Iesu ibi. Vocátus est autem et Iesus, et discipuli eius ad núptias. Et réliqua.

HOMILÍA
SANCTI PETRI BERNÁRDI
ABBÁTIS

Sermo de spiritualibus nuptiis

Hic nonnumquam vinum déficit, grátia scilicet devotiõnis et fervor caritátis. Quóties mihi necesse est, fratres, post lacrimósas querimónias vestras exoráre Matrem misericórdiæ, ut súggerat suo benigníssimo Fílio, quóniam vinum non habeátis? Et ipsa, dico vobis, caríssimi, si pie a nobis pulsáta fúerit, non déerit necessitáti nostræ, quóniam misericors est et Mater misericórdiæ; nam si compás-sa est verecúndiæ illórum, a quibus fúerat invitáta, multo magis compatiétur nobis, si pie fúerit invocáta.

℞. Felix namque es, sacra Virgo María, et omni laude digníssima: * Quia ex te ortus est sol iustítiæ, Christus, Deus noster, allelúia. ℣. Ora pro pópulo, intéveni pro clero, intercède pro devóto femíneo sexu: séntiant omnes tuum iuvámen, quicúmque célebrant tuum sanctum patrocínium. Quia.

B. MARIÆ VIRG. PATRONÆ BAVARIÆ

Bened. Cuius ... ipsa Virgo.

Lectio viii

Sed quem non móveat, quod in núptiis illis respóndit Dóminus benigníssime sanctíssimæ Matri suæ, dicens: Quid mihi et tibi est, múlier? Quid tibi et illi est, Dómine? Nonne, quod filio et matri? Quid ad illam pértines, quæris, cum tu sis benedíctus fructus ventris eius immaculáti? Nonne ipsa est, quæ, salvo pudóre, concépit et sine corruptióne te péperit? Nonne ipsa est, in cuius útero novem ménsibus morátus es, cuius virgíneis ubéribus lactátus es, cum qua iam duódecim annórum factus, de Ierúsalem descendísti et eras súbditus illi? Nunc ergo, Dómine, quid moléstus es illi, dicens: Quid mihi et tibi? Multum per omnem modum.

R̄. Erit in novíssimis diébus mons præparátus Vírgini Mariæ in vértice móntium et elevábitur super cælos, et ibunt pópuli multi et dicent: *

Veníte et ascendámus ad montem, allelúia. **℣.** Sicut lætántium ómnium habitátio est in te. **Veníte. Glória Patri. Veníte.**

Bened. Ad societátem.

Lectio ix

Sed maniféste iam vídeo, quod non velut indígnans aut confúndere volens Vírginis Matris téneram verecúndiam díxeris: Quid mihi et tibi: cum, veniéntibus ad te iuxta Matris præcéptum mínístris, nihil cunctátus, fácias, quod illa suggéssit. Ut quid ergo, fratres, ut quid sic respondébat prius? Utique propter nos, ut convérsos ad Dóminum iam non sollícitet carnálium cura paréntum, et necessitúdines illæ non impédiant exercítium spirituále. Quám diu enim de mundo sumus, debítos nos constat esse paréntibus; at postquam reliquimus nosmetípsos, multo magis ab eórum sollicitúdine líberi sumus. Optime ergo nos dócuit

B. MARIE VIRG. PATRONÆ BAVARIÆ

Dóminus, ne sollíciti simus
super propínquis carnis nos-
træ plus quam relígio póstu-
let, quando ipsi Matri et tali
Matri, respóndit: Quid mihi
et tibi est, múlier?

Te Deum.

AD LAUDES et per Horas

Ant. 1 Párata, * Regína cæ-
lórum, sedes tua ex tunc: pa-
trocínio tuo firmávit Dómi-
nus terram nostram, allelúia.

Psalmi de dominica 1 loco.

Ant. 2 Pópulum suum * Dó-
minus et oves páscuæ suæ
pósuit sub tua tutéla, victrix
serpéntis antíqui, allelúia.

Ant. 3 In velaménto * pro-
tectiónis tuæ exsultábimus,
Virgo gloriosíssima: nos su-
scépit délixtera tua, allelúia.

Ant. 4 Benedícant te * omnes
una voce dicétes: Tu glória
Ierúsalem, tu honorificéntia
pópuli nostri, allelúia.

Ant. 5 Reges terræ * et om-

nes pópuli, senes cum iunió-
ribus laudent nomen tuum,
dulcíssima Dei Génatrix Ma-
ría, allelúia.

Capit. Eccli. 24,14

Ab inítio et ante sæcula creá-
ta sum, et usque ad futúrum
sæculum non désinam, et in
habitatióne sancta coram ipso
ministrávi.

Hymnus

Auróra soli prævia,
felix salútis núntia,
in noctis umbra plebs tua
te, Virgo, supplex ínvocat.

Torrens nefástis flúctibus
cunctos trahens vorágine,
leni resídit æquore,
cum transit Arca fœderis.

Fatále virus évomens
attóllit anguis vérticem;
at tu draconis túrgidum
invícta cónteris caput.

Mater benígna, réspice
fletus precésque súpplícum,
et dimicántes, tártari
victrix, tuére ab hóstibus.

Iesu, tibi sit glória,
qui natus es de Vírgine,

B. MARIE VIRG. PATRONÆ BAVARIÆ

cum Patre, et almo Spíritu,
in sempitérna sæcula.
Amen.

✠ Ora pro nobis, sancta Patróna Baváriæ, allelúia.

✠ Ut digni efficiámur promissionibus Christi, allelúia.

Ad Bened. ant. Gloriósæ * Vírginis Mariæ patrocínium digníssimum recolámus, cuius honor præstat beneficia populórum et orátio perdúcit ad regna cælórum, allelúia.

Oratio

Deus, qui dilécti Filii tui Genetrícem nobis Matrem ac Patrónam dare dignátus es: concéde propítius; ut sub huius Matris tutéla ab omni hóstium defendámur incúrsu, et sine timóre in sanctitáte et iustítia tibi serviámus. Per eúndem Dóminum nostrum.

Ad Horas psalmi de dominica, ad Primam tamen ut in festis; et ad eam in Responsorio brevi versus Qui natus es de María Vírgine.

AD TERTIAM

Capit. Eccli. 24,14

Ab iníto et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

✠ **br.** Spécie tua et pulchritúde tua, * Allelúia, allelúia. **Spécie.** ✠ Inténde, prospere procéde, et regna. Allelúia, allelúia. **Glória Patri.** Spécie.

✠ Adiuvábit eam Deus vultu suo, allelúia. ✠ Deus in médio eius, non commovébitur, allelúia.

AD SEXTAM

Capit. Eccli. 24,15-16

Et sic in Sion firmáta sum, et in civitáte sanctificáta simíliter requiévi, et in Ierúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúde sanctórum deténtio mea.

B. MARIE VIRG. PATRONÆ BAVARIÆ

℞ br. Adiuvábit eam Deus vultu suo * Allelúia, allelúia. **A**diuvábit. ʒ Deus in médio eius, non commovébitur. Allelúia, allelúia. **G**lória Patri. **A**diuvábit.

ʒ Elégit eam Deus, et præelégit eam, allelúia. ℞ In tabernáculo suo habitáre facit eam, allelúia.

AD NONAM

Capit. Eccli. 24,19-20

In platéis sicut cinnamómum et bálsamum aromatízans odórem dedi: quasi myrrha elécta dedi suavitátem odóris.

℞ br. Elégit eam Deus, et præelégit eam, * Allelúia, allelúia. **E**légit. ʒ In tabernáculo suo habitáre facit eam. Allelúia, allelúia. **G**lória Patri. **E**légit.

ʒ Diffúsa est grátia in lábiis tuis, allelúia. ℞ Proptérea benedíxit te Deus in ætérnum, allelúia.

Oratio

Deus, qui dilécti Fílii tui Genetrícem nobis Matrem ac Patrónam dare dignátus es: concéde propítius; ut sub huius Matris tutéla ab omni hóstium defendámur incúrsu, et sine timóre in sanctitáte et iustítia tibi serviámus. Per eúndem Dóminum.

AD II VESPERAS

Omnia ut ad I Vesperas præter:

ʒ Ora pro nobis, sancta Patróna Baváriæ, allelúia.

℞ Ut digni efficiámur promissionibus Christi, allelúia.

Ad Magnif. ant. Benedícant te, * Patróna clementíssima, omnes generatiónes: quia fecit tibi Dóminus magna, qui potens est, allelúia.

DIEBUS 13 ET 16 MAII

Die 13 maii
**S. ROBERTI
BELLARMINO**

Ep., Conf. et Eccl. Doct.
III classis

Commemoratio Translationis
S. Udalrici Ep. et Conf.:

AD LAUDES

Ant. Sacérdos et Póntifex, et virtútum ópifex, pastor bone in pópulo, ora pro nobis Dóminum, allelúia.

✠ Amávit eum Dóminus et ornávit eum, allelúia. ✠ Stollam glóriæ índuit eum, allelúia.

Oratio

Da, quæsumus, omnípotens Deus, ut Translatiónis beáti Udalrici Confessóris tui atque Pontíficis veneránda sollémnitas, et devotióne nobis áugeat et salútem. Per Dóminum nostrum.

Die 16 maii
**S. JOHANNIS
NEPOMUCENI**

Martyris
III classis

AD MATUTINUM

Bened. Ad societátem.

Lectio iii

Johánnes de Pomuk, fílius Welflíni, circa annum millésimum trecentésimum septuagésimum cléricus Pragénsis, imperiáli auctoritáte múnere notárii públici functus est. Sacerdotio auctus, vir egrégiæ índolis Pragæ iuris canónici baccaláureus, Patávii vero decretórum doctor promotus est. Archiepíscopus Pragénsis Johánnem, inter canónicos cooptátum, diocésis vicárium generálem constituit. Vir Dei iura Ecclésiæ fórtiter contra regem Wencesláum deféndit, qui illum in cárcerem detrusum tormentisque vexátum tandem in Moldávam flumen, Pragam intérfluens, noctu decícere fecit. Iam apud æquáles

DIE 16 MAII S. JOHANNIS NEPOMUCENI MART.

præcípua occisiónis rátio sacramentále sigíllum, constánter a Johánne contra regis contentiónem servátum, affirmabátur. Amplius trecéntis post mortem annis, in iurídica córporis recognitióne, sancti Mártyris lingua incorrúpta et vívida repérta est. Benedíctus décimus tértius, Póntifex Máximus, primum hunc sacramentális sigílli assertórem sanctórum Mártyrum catálogo adscrípsit.

Te Deum laudámus.

AD LAUDES

¶ Pósuí ori meo custódiám, allelúia. ¶ Cum consísteret peccátor advésus me, allelúia.

Ad Bened. ant. Quicúmque * glorificávit me, glorificábo eum: qui autem contémnunt me, erunt ignóbiles, allelúia.

Oratio

Deus, qui ob invíctum beáti Johánis sacramentále siléntium nova Ecclésiám tuam mar-

týrii coróna decorásti: da nobis eius intercessióne et exémplo, linguam caute custodíre; ac ómnia pótius mala, quam ánimæ detriméntum, in hoc sæculo toleráre. Per Dóminum.

Et fit com. S. Ubaldi Episcopi et Confessoris:

Ant. Euge, serve bone et fidélis, quia in pauca fuísti fidélis, supra multa te constítuam, dicit Dóminus, allelúia.

¶ Iustum dedúxit Dóminus per vias rectas, allelúia. ¶ Et osténdit illi regnum Dei, allelúia.

Oratio

Auxílium tuum nobis, Dómine, quæsumus, placátus impénde: et, intercessióne beáti Ubáldi Confessoris tui atque Pontíficis, contra omnes diaboli nequítias dexteram super nos tuæ propitiatiónis exténde. Per Dóminum nostrum.

DIE 5 IUNII S. BONIFATII EP. ET MART.

AD VESPERAS

V. Pósuí ori meo custódiám,
allelúia. **R̄.** Cum consísteret
peccátor advérsus me, alle-
lúia.

Ad Magnif. ant. In conspéctu
poténtium * admirábilis ero,
et fácies princípum mirabún-
tur me: tacéntem me susti-
nébunt, et loquéntem me re-
spícient, allelúia.

Oratio

Deus, qui ob invíctum beáti
Johánnis sacramentále silénti-
um nova Ecclésiám tuam mar-
týrii coróna decorásti: da no-
bis eius intercessióne et ex-
émplo, linguam caute custo-
díre; ac ómnia pótius mala,
quam ánimæ detriméntum,
in hoc sæculo toleráre. Per Dó-
minum nostrum.

Die 5 iunii

S. BONIFATII
Episcopi et Martyris
II classis

Omnia de Communi Mar-
tyrum tempore paschali, præ-
ter ea, quæ hic habentur pro-
pria.

In I Nocturno Lectiones A
Miléto, de Communi unius
Martyris extra tempus pas-
chale, cum responsoriis pro
tempore paschali.

In II Nocturno

Absol. Ipsíus.
Bened. Deus Pater.

Lectio iv

Bonifátius, ántea Winfríduš
appellátus, apud Anglos natus
est exeúnte sæculo séptimo,
et ab ipsa infántia mundum
aversátus, vitam monásticam
in votis hábuit. Cum eius pa-
ter ánimum sæculi illécebris
permutáre frustra tentáset,
monastérium ingréditur, et
sub beáti Wolphárdi disci-
plína ómnium virtútum, ac

DIE 5 JUNII S. BONIFATII EP. ET MART.

scientiárum genere imbúitur. Annum agens trigésimum sacerdotio insignitur, ac verbi divini prædicátor assíduus, magno animárum lucro hoc in múnere versáitur. Attamen regnum Christi adaugére desiderans, continuo flebat ingéntem multitudinem barbarórum, qui ignorántiæ ténebris immérsi dæmoni famulábantur. Qui quidem animárum zelus cum in dies inexstinguíbili ardóre accrésce-ret, divíno númine per lácrimas et oratiónes exploráto, facultátem a monastérii præposito obtínuit ad Germánicas oras proficiscéndi.

R. Lux perpétua lucébit Sanctis tuis, Dómine, * Et ætéritas témporum, allelúia, allelúia. **V.** Lætítia sempitérna erit super cápita eórum: gáudium et exultatióem obtinébunt. **Et.**

Bened. Christus perpétuæ.

Lectio v

Ex Anglia duóbus cum sóciis

navem solvens, Dorestádium in Frísia óppidum venit. Cum autem bellum gravíssimum inter Frísonum regem Radbódum, et Cárolum Martélum exarsísset, sine fructu Evangélium prædicávit: Quapropter in Angliam revérsus, ad suum redívit monastérium, cui invítus præficitur. Post elápsum biénnum ex consénsu epíscopi Vintoniénsis munus abdicávit, et Romam proféctus est, ut apostólica auctoritáte ad gentílium conversiónem delegarétur. Cum ad Urbem pervénisset, a Gregório secúndo benigne excípitur, pro Winfrído Bonifátius a Pontífice nomináitur. In Germániam diréctus, Thüríngiæ Saxoníæque pópulis Christum annuntiávit. Cum intérea Radbódus Frísia rex ac infestíssimus christiáni nóminis hostis occubuísset, Bonifátius ad Frísones rédiit, ubi sancti Willibrórdi sócius per triénnum tanto cum fructu Evangélium prædicávit, ut destrúctis idolórum simulá-

DIE 5 JUNII S. BONIFATII EP. ET MART.

cris, innúmeræ vero Deo ecclésiæ excitaréntur.

℞. In servis suis, allelúia, *
Consolábitur Deus, allelúia.

℣. Iudicábit Dóminus pópulum suum, et in servis suis.
Consolábitur Deus, allelúia.

Bened. Ignem sui amóris.

Lectio vi

A sancto Willibrórdo ad episcopále munus expetítus, illud detrectávit ut prómptius infidélium salúti instáret. In Germániam proféctus, plura Hássorum mília a dæmonis superstitióne avocávit. A Gregório Pontífice Romam evocátus, post insígnem fidei professionem episcopus consecrátur. Exínde ad Germáni-
am redux, Hássiam, et Thuringiam ab idololatriæ reliquiis pénitus expurgávit. Tanta propter mérita Bonifátius a Gregório tertio ad dignitatem archiepiscopálem evéhitur, et tertio Romam proféctus a Summo Pontífice Sedis apos-

tólicæ legátus constitúitur. Qua insignítus auctoritáte quatuor episcopátus instítuit, et várias sýnodos celebrávit, inter quas concílium Leptinéense memorábile est apud Belgas in Cameracénsi diocési celebrátum, quo quidem témpore ad fidem in Bélgio adaugéndam egrégie cóntulit. A Zacharía Papa créatus Moguntínus archiepiscopus, ipso Pontífice iubénte Pipínus in regem Francórum unxit. Post mortem sancti Willibrórdi Ultraiectensem ecclésiám gubernándam suscepit, primo per Eóbanum, deínde per seípsum, dum ab ecclésiá Moguntína absolútus Ultraiecti resédit. Frisónibus ad idololatriám relápsis, Evangélium prædicáre rursus aggréditur, cumque officio pastoráli occuparétur, a bárbaris et impiis homínibus iuxta Bornam flúvium cum Eóbano coëpiscopo, multisque áliis cruénta cæde peréemptus martýrii palma condecorátur. Corpus sancti Bonifátii, Mogúntiam trans-

DIE 5 JUNII S. BONIFATII EP. ET MART.

látum, et, ut ipse vivens pe-
tíerat, in Fuldénsi monasté-
rio, quod exstrúxerat, recón-
ditum fuit, ubi multis mi-
ráculis incláruit. Pius autem
nonus Póntifex Máximus,
eius Offícium et Missam ad
univérsam Ecclésiám extén-
dit.

℞. Fíliæ Ierúsalem, veníte et
vidéte Mártýres cum corónis,
quibus coronávit eos Dómi-
nus * In die sollemnitátis et
lætítiæ, allelúia. ʒ. Quóniam
confortávit seras portárum
tuárum, benedíxit filios tuos
in te. In. Glória Patri. In.

In III Nocturno

Absol. A vínculis.

Bened. Evangélica léctio

Lectio iv

LÉCTIO SANCTI EVANGÉLII
SECÚNDUM MATTÆUM

Lectio vii Cap. 5,1-12

In illo témpore: Videns Jesus
turbas, ascéndit in montem et

cum sedísset, accessérunt ad
eum discípuli eius. Et réliqua.

HOMILÍA
SANCTI AUGUSTÍNI
EPÍSCOPI

Liber 1 de Sermone Domini in monte, cp. 2

Beáti mundo corde: quóniam
ipsi Deum vidébunt. Quam
ergo stulti sunt, qui Deum is-
tis exterióribus óculis quæ-
runt, cum corde videátur, si-
cut álibi scriptum est: Et in
simplicitáte cordis quærite il-
lum. Hoc est enim mundum
cor, quod est simplex cor. Et
quemádmódum lumen hoc
vidéri non potest, nisi óculis
mundis: ita nec Deus vidétur,
nisi mundum sit illud, quo
vidéri potest. Beáti pacífici:
quóniam ipsi filii Dei voca-
búntur. In pace perféctio est,
ubi nihil repúgnat, et ídeo filii
Dei pacífici, quóniam nihil in
his resístit Deo, et útique filii
similitúdinem patris habére
debent.

℞. Ego sum vitis vera, et vos

DIE 5 JUNII S. BONIFATII EP. ET MART.

pálmites: * Qui manet in me, et ego in eo, hic fert fructum multum, allelúia, allelúia. **℣** Sicut diléxit me Pater, et ego diléxi vos. **Qui.**

Bened. Cuius festum.

Lectio viii

Pacífici autem in semetípsis sunt, qui omnes ánimi sui motus componéntes, et subiciéntes ratióni, id est menti et spirítui, carnalésque concupiscéntias habéntes edómitas, fiunt regnum Dei. In quo ita sunt ordináta ómnia, ut id quod est in hómine præcípuum et excéllens, hoc ímperet, céteris non reluctántibus, quæ sunt nobis bestiísque comúnia: atque idípsum quod excéllit in hómine, id est mens et rátió, subiciátur potióri, quod est ipsa véritas, unigénitus Fílius Dei. Neque enim imperáre inferióribus potest, nisi superiori se ipse subiciat. Et hæc est pax, quæ datur in terra homínibus bonæ voluntátis: hæc vita con-

summáti perfectíque sapiéntis.

℟. Cándidi facti sunt Nazaræi eius, allelúia; splendórem Deo dedérunt, allelúia: * Et sicut lac coaguláti sunt, allelúia, allelúia. **℣** Candióres nive, nitidióres lacte, rubicundióres ébore antíquo, saphíro pulchrióres. **Et. Glória Patri. Et sicut.**

Bened. Ad societátem.

Lectio ix

De huiúsmodi regno pacatíssimo et ordinatíssimo missus est foras princeps huius sæculi, qui pervérsis inordinatísque dominátur. Hac pace intrínsecus constitúta atque firmáta, quascúmque persecutiónes ille, qui foras missus est, forínsecus concitáverit, auget glóriam quæ secúndum Deum est; non áliquid in illo ædificio labefáctans, sed deficientibus máchinis suis innotéscere fáciens quanta firmitas intus exstrúcta sit. Ideo

DIE 5 JUNII S. BONIFATII EP. ET MART.

séquitur: Beáti, qui persecu-
tiónem patiúntur propter ius-
títiam: quóniam ipsórum est
regnum cælórum.

Te Deum laudámus.

AD LAUDES

∴ Pretiósá in conspéctu Dó-
mini, allelúia. ✠ Mors Sanc-
tórum eius, allelúia.

Ad Bened. ant. Filiæ Ierúsa-
lem, * veníte et vidéte Már-
tyres cum corónis, quibus co-
ronávit eos Dóminus in die
sollemnitátis et lætitiæ, alle-
lúia, allelúia.

Oratio

Deus, qui multitudínem po-
pulórum, beáti Bonifátii Már-
tyris tui atque Pontíficis zelo,
ad agnitiónem tui nóminis
vocáre dignátus es: concéde
propítius; ut, cuius solémnia
cólimus, étiam patrocínia sen-
tiámus. Per Dóminum nos-
trum Iesum Christum Fílium
tuum, qui tecum vivit.

AD VESPERAS

∴ Pretiósá in conspéctu Dó-
mini, allelúia. ✠ Mors Sanc-
tórum eius, allelúia.

Ad Magnif. ant. Sancti et ius-
ti * in Dómino gaudéte, al-
lelúia: vos elégit Deus in hæ-
reditátem sibi, allelúia.